



Publicaziuns officialas dils 26-06-2020

Damonda da baghegiar

Nr. 94/2020

Datum da publicaziun: 26-06-2020

Patrun: Candinas Marcus, 7172 Rabius

Liug e parcelas: Rabius-Caltgera; 338

Object: colurar balcuns

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 83/2020

Vischnaunca Sumvitg, 7175 Sumvitg; spazzar il baghetg nr. 421 sin parcella nr. 425 a Rabius-Curtins.

Nr. 87/2020

Deplazes-Tschuor Letizia, 7173 Surrein; remplazzament dalla seiv sin parcella nr. 746 a Surrein-Plazzas.

Sumvitg, 26-06-2020

Cumissiun da baghegiar

Elecziun e votaziun communal dils 28 da zercladur 2020

L'urna ei aviarta (en canzlia communal)

gievgia e venderdis mintgamai duront las uras da spurtegl

dumengia, ils 28 da zercladur 2020, dallas 10.00 – 11.00 uras

Sonda e dumengia, ils 27 e 28 da zercladur 2020 mintgamai avon il survetsch divin en las fracziuns sin plaz cadruvi.

Ils cedels da votar ein vegnir distribui. Tgi ch'ei eventualmein aunc buca en possess da tals ei supplicaus da s'annunziar tier l'administraziun communal.

Adatg!!!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sin il certificat pil dretg da votar.

Sumvitg, 26-06-2020

Suprastonza communal

Communicaziun dalla suprastanza communal

Vicepresident communal per 2020/2021

La suprastanza communal ha elegiu tenor art. 39 dalla constituziun communal en sia seduta dils 18-06-2020 gerau Marcus Duff sco vicepresident communal pigl onn da gestiun 2020/2021.

Sumvitg, 26-06-2020

Suprastanza communal

Protocol dalla radunonza communal dils 16-06-2020

Naven dils 26-06-2020 ei il protocol dalla radunonza communal dils 16-06-2020 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Ils cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnauncas dil cantun Grischun vegnir inoltradas duront quei temps d'exposiziun tier la suprastanza communal.

Sumvitg, 26-06-2020

Administraziun communal

Bauns da scola dalla casa da scola Rabius

Cun finiziun digl onn da scola 2019/2020 ha la vischnaunca remplazzau entgins bauns da scola dalla casa da scola da Rabius. Convischinas e convischins che han interess da retrer in ni l'auter baun remplazzau ein supplicai da s'annunziar tier l'administraziun communal.

Sumvitg, 26-06-2020

Administraziun communal

Temps da vacanzas

Examinaziun dils documents da viadi

Persunas che visetan tiaras digl exteriur ein supplicadas d'examinar a dretg temps lur documents da viadi. Per l'emissiun dils documents sto vegnir quintau cun entochen 15 dis da spetga. Per quei supplichein nus da preparar las vacanzas a dretg temps.

Sumvitg, 26-06-2020

Administraziun communal

Uniun da pescadurs Sumvitg

Mo pesca interna al Lag da Laus

Pervia dil coronavirus ha la pesca comunabla al Lag da Laus liug uonn mo la **sonda, ils 27 da zercladur**, e quei sulettamein cun ina concorrenza da pescar per ils commembers. Negina ustria publica sper il lag e negina messa. Entschatta dalla pesca ei allas 5.00, finiziun allas 17.00. Rangaziun allas 18.00. Carrar cun vehichels tochen sil Bostg ei lubiu la sonda. Nus vendin ils pèschs. Empustaziuns prendein bugen encunter sut 078 612 11 35. *Uniun da pescadurs Sumvitg*

Club da tennis Trun

Muort il coronavirus organisescha il club da tennis cun empau retard era uonn igl atun:

Cuors da tennis per affons e giuvenils

Annadas 2009–2013: Entschatta, mesjamna, ils 5 d'uost dallas 16.00–18.00 (mintgamai in'ura per gruppa)

Annadas 2008 e pli vegls: Entschatta, gievgia, ils 23 da fenadur dallas 18.30–20.30 (mintgamai in'ura per gruppa)

Dapli informaziuns e s'annunziar tier nies cau da juniors, 079 521 26 37. Fin d'annunzia:

Dumengia, ils 5-7-2020 *Il cau dils juniors, Simon Decurtins*

Cumpadials – Offene Demeter-Gartentüre

Offene Demeter-Gartentüre «Sper Uolm», bei Ingrid Ritter. Immer mittwochs, 3.6.2020–7.10.2020, bei jeder Witterung, von 10–14 Uhr oder auf Anfrage!

Themenschwerpunkte:

- Zu mehr Biodiversität – ganz einfach!
- Schafwolle im Garten
- Barfuss-Parcours...

Mehr Infos unter 079 645 03 48